

froong üwa froong

weä maansdn hodd unnän dom gäbaud
blööda frooch weäsd soong
deä kaisä heinrich
un du glabbsd wirglic
deä hodd aa bloos an aandsiggn
fo denna drümmäschdaa
än dombärch aufgschlaafd
un di old hofhaldung
weä maansdn hodd di haufn breddä gsäächd
wu - froochi - homm di maurä gäwoond
didi noi residends nogschdälld homm
wunoo is deä kabbo mid saina loid an saufn ganga
o däm oomd, wus olda rodhaus fäddich woä
weä glabbsd'n hodd denna bauloid dsä brooddsaid
iän brässogg un a biä gäbrochd
di hailich kunigunde fälaichd
deä bischof fo erdal
hodd äs gronknhaus ärrichd
eä alaa?

di schönborn schloss seehof
di homm doch goä ned gäwissd
wi a senggblai aussichd
baim grossn hochwassä domols
is di roggoggo-seebrüggn aigschdöäddsd
sunsd niggs?

bambärch is foll
fo schööna hoisä un kärng
weä hoddn di alla gäbaud
un weä hoddn däs dsäledsd
alläs dsooln müssn
naidi büchä wännsd schausd
könnäsd maana
a kaisä un a booä bischöf
a haufn froong
un nirgnds a andwoäd

*(nach bert brecht:
fragen eines lesenden arbeitsers)*

